



**SLUŽBENI GLASNIK  
OPĆINE VISOKO**

**GODINA XLIX**

**Visoko, 29. juli 2015. godine**

**Broj 5**

Na osnovu odredaba iz čl. 9. stav (1) i 49. Zakona o komunalnim djelatnostima ("Službene novine Zeničko-dobojskog kantona", broj: 17/08), člana 22. Statuta Općine Visoko ("Službeni glasnik Općine Visoko" br. 1/11 i 8/13), člana 35. Odluke o organizaciji i sigurnosti saobraćaja na cestama na području općine Visoko ("Službeni glasnik Općine Visoko", broj 6/09) i člana 63. Odluke o komunalnom redu ("Službeni glasnik Općine Visoko", broj 4/15), Općinsko vijeće Visoko, na 29.sjednici održanoj 25.07.2015. godine, d o n o s i:

**ODLUKU O IZMJENAMA I DOPUNAMA  
ODLUKE O UPRAVLJANJU,  
ODRŽAVANJU I NAPLATI  
PARKING PROSTORA I JAVNIH  
GARAŽA**

broj: 01/1-02-491/14 od 29.12.2014. godine

**Član 1.**

U Odluci o upravljanju, održavanju i naplati parking prostora i javnih garaža broj: 01/1-02-491/14 od 29.12.2014. godine ("Službeni glasnik Općine Visoko", broj 7/14), član 5. stav 2. mijenja se i glasi:

"Član 5. stav 2.

Osobe sa invaliditetom kategorije 70 - 100%, članovi Organizacije porodica šehida i poginulih boraca općine Visoko "Visoko 92", te dobitnici najvećih ratnih priznanja i odlikovanja "Zlatni ljiljan" i "Zlatna policijska značka", koji imaju odgovarajuću identifikacijsku iskaznicu i na vozilima istaknutu važeću oznaku, imaju pravo na dva sata dnevno besplatnog parkiranja na svim javnim parkiralištima na kojima se vrši naplata

parkiranja. Poslije isteka tog vremenskog perioda plaćaju naknadu po započetom satu."

**Član 2.**

U članu 6. stav 2. alineja 3. iza riječi: "prekoračenje dopuštenog vremena parkiranja za koje je kupljena parkirališna karta" dodaju se riječi: "u trajanju dužem od 15 minuta."

**Član 3.**

U članu 6. iza stava 2. dodaje se novi stav 3. koji glasi:

"Član 6. stav 3.

Posebne naknade za korištenje javnih parkirališta u II zoni, pored naknada iz stava 2. ovog člana, sastoje se od:

- naknade za parkiranje autobusa u iznosu od 5,00 KM/1 h,
- naknade za izdavanje karte za cjelodnevno korištenje javnih parkirališta u iznosu od 2,00 KM,
- naknade za izdavanje mjesečne karte za korištenje javnih parkirališta u iznosu od 20,00 KM,
- naknade za izdavanje godišnje karte za korištenje javnih parkirališta u iznosu od 100,00 KM.

**Član 4.**

Iza člana 6. dodaje se novi član 6a. koji glasi:

"Član 6a.

Fizička osoba (stanar) koja ima prebivalište ili boravište na području na kojem se naplaćuje parkiranje, te pravna osoba, fizička osoba obrtnik odnosno osoba koja obavlja drugu samostalnu djelatnost koja ima sjedište ili koristi poslovni prostor na području na kojem se naplaćuje parkiranje, izuzev na javnim parkiralištima u I zoni, mogu koristiti povlaštene uslove u pogledu cijene i korištenja javnih parkirališta (povlaštena parkirališna karta).

Povlašteni uslovi korištenja javnih parkirališta iz stava 1. ovog člana podrazumijevaju obavezu nadležnog javnog komunalnog preduzeća na kontinuirano osiguranje slobodnog parkirališnog mjesta koje je kao takvo označeno odgovarajućim oznakama, te uklanjanje vozila drugih korisnika koja neovlašteno uzurpiraju parkirališno mjesto za koje je ustanovljeno povlašteno pravo u skladu sa ovom Odlukom.

Naknada za izdavanje povlaštene parkirališne karte iznosi 70% visine naknade za izdavanje godišnje karte za korištenje javnih parkirališta iz člana 3. ove Odluke.

Uslovi korištenja povlaštenih parkirališnih karata utvrđuju se u obliku pisanog rješenja i odgovarajuće iskaznice, koje izdaje organizator parkiranja na osnovu podnesenih pojedinačnih zahtjeva korisnika javnog parkirališta."

### **Član 5.**

U članu 7. iza riječi "sati" dodaju se riječi: "odnosno od 07,30 do 19,00 sati ukoliko je na javnom parkiralištu instaliran parking automat za kupovinu parkirališnih karata."

### **Član 6.**

U slučajevima privrednih, kulturnih, sportskih ili sličnih manifestacija, određivanje lokacija za javna parkirališta, kao i određivanje vremena u kojem će se plaćati naknada za njihovo korištenje, isključivo u toku trajanja takvih manifestacija, utvrđuje se posebnom odlukom Općinskog načelnika po prijedlogu Općinske službe za urbanizam, stambeno-komunalne poslove i katastar nekretnina."

### **Član 7.**

Mreža javnih parkirališta u okviru jedinstvenog sistema organizacije održavanja javnih parkirališta i naplate usluge parkiranja, u skladu sa ovom Odlukom, proširuje se na sljedeće lokacije:

- U okviru I zone:
  - Ulica Čaršijska (kod tzv. "Ćatičke zgrade")  
(u periodu 01.10. - 31.03. kao i u periodu od 01.04. do 30.09. ukoliko javna površina nije zauzeta u skladu sa odredbama iz čl 38.-46. Odluke o komunalnom redu),
  - Ulica Hazima Dedića (iza zgrade ZK ureda)
- U okviru II zone:
  - Ulica Kadije Uvejsa (kod Autobuske stanice)
  - Ulica Branilaca (kod JU "Dom zdravlja")
  - Ulica Aleja Šehida Resula (od apoteke do stadiona)
  - Ulica Kralja Tvrtka (Kraljevac)
  - Naselje Prijeko (kod Kulturnog centra)
  - Parkiralište kod Sportske dvorane (tzv. "poligon").

### **Član 8.**

Nadležno javno komunalno preduzeće će, u skladu sa ovom Odlukom, započeti sa stalnim pružanjem predviđenih usluga i vršiti naplatu naknadâ koju plaćaju korisnici javnih parkirališta na sljedećim javnim parkiralištima iz člana 7. ove Odluke:

- Ulica Čaršijska (kod tzv. "Ćatičke zgrade")
- Ulica Hazima Dedića (iza zgrade ZK ureda)
- Ulica Aleja Šehida Resula (od apoteke do stadiona)

### **Član 9.**

Nadležno javno komunalno preduzeće će pružati predviđene usluge i vršiti naplatu naknadâ koju plaćaju korisnici javnih parkirališta u slučajevima predviđenim odredbama iz člana 6. ove Odluke na sljedećim javnim parkiralištima iz člana 7. ove Odluke:

- Ulica Kadije Uvejsa (kod Autobuske stanice)
- Ulica Branilaca (kod JU "Dom zdravlja")
- Ulica Kralja Tvrtka (Kraljevac)
- Naselje Prijeko (kod Kulturnog centra)
- Parkiralište kod Vatrogasnog doma
- Parkiralište kod Sportske dvorane (tzv. "poligon").

### **Član 10.**

U slučajevima predviđenim odredbama iz člana 6. ove Odluke, korisnici javnih parkirališta plaćaju naknadu za korištenje javnih parkirališta u visini naknade za korištenje javnog parkirališta u I zoni.

### **Član 11.**

U slučajevima kada postojeći kapaciteti javnih parkirališta ne mogu zadovoljiti zahtjeve korisnika u toku trajanja privrednih, kulturnih, sportskih ili sličnih manifestacija iz člana 6. ove Odluke, Općinski načelnik po prijedlogu Općinske službe za urbanizam, stambeno-komunalne poslove i katastar nekretnina, može posebnom odlukom za privremena javna parkirališta odrediti i druge javne površine koje svojim položajem i karakteristikama ispunjavaju uslove da mogu poslužiti kao privremena javna parkirališta.

### **Član 12.**

Obavezuju se Služba za urbanizam, stambeno-komunalne poslove i katastar nekretnina i nadležno javno komunalno preduzeće da odredbe ove Odluke na odgovarajući način uvrste u Program naplate parking prostora i javnih garaža u skladu sa Odlukom Općinskog vijeća broj: 01/1-02-28/15 od 31.01.2015. godine.

### **Član 13.**

Obavezuju se Služba za urbanizam, stambeno-komunalne poslove i katastar nekretnina i

nadležno javno komunalno preduzeće da u roku od 60 dana od dana donošenja ove Odluke, dostave Općinskom vijeću na dalji postupak analizu mogućnosti i prijedlog da se u jedinstveni sistem organizacije održavanja javnih parkirališta i naplate usluge parkiranja uvrste slobodna površina u ulici Alije Izetbegovića, širi lokalitet kod Šadrvarske džamije (ulice: Skopljaka, Šadrvan, Džananovića, Hazima Dedića i Zečevića), širi lokalitet kod Kraljevačke džamije, te Hadži Hasanova ulica.

#### **Član 14.**

Obavezuju se Općinski načelnik i Služba za urbanizam, stambeno-komunalne poslove i katastar nekretnina da Općinskom vijeću dostavljaju godišnje izvještaje sa podacima o određivanju lokacija za javna parkirališta i vremenu u kojem se vršila naplata njihovog korištenja u toku trajanja privrednih, kulturnih, sportskih ili sličnih manifestacija u skladu sa odredbama iz člana 6. ove Odluke.

#### **Član 15.**

Ova Odluka stupa na snagu danom donošenja, a objavit će se u "Službenom glasniku Općine Visoko".

**Broj: 01/1-02-289/15      PREDSEDavajuća**  
**25.07.2015. godine      OPĆINSKOG VIJEĆA VISOKO**  
**V i s o k o                      Mirela Mateša Bukva**

---